

Izjava OHR-a na konferenciji za medije međunarodnih organizacija

Zakon o visokom obrazovanju BiH

Ured visokog predstavnika apelira na Parlament BiH da do 7. maja 2004. godine usvoji državni Okvirni zakon o visokom obrazovanju i da to učini u interesu svih građana Bosne i Hercegovine.

Pomoć Svjetske banke u iznosu od 42 miliona američkih dolara koja je na raspolaganju Bosni i Hercegovini (30 miliona američkih dolara u vidu podrške budžetu i 12 miliona direktne pomoći za reformu visokog obrazovanja u skladu sa evropskim standardima) će biti, putem finansijskih mehanizama, direktno dodjeljivana univerzitetima koji su odabrani za promoviranje decentralizacije i jačanja lokalnih institucija. Međutim, ova pomoć je uslovljena usvajanjem državnog Okvirnog zakona o visokom obrazovanju do 7. maja 2004. godine.

Članovi državnog Parlamenta imaju osnovnu dužnost da investiraju u budućnost mladih Bosne i Hercegovine. Organi vlasti Bosne i Hercegovine su u tom pravcu napravili prvi korak kada su potpisali Bolonjsku deklaraciju i ratificirali Lisabonsku konvenciju o priznavanju diploma (na taj način su započeli proces priznavanja bh. diploma u drugim evropskim državama). Očekujemo od poslanika Parlamenta BiH da ispune obaveze koje su preuzeli i da djeluju na način koji će doprinijeti boljoj budućnosti mladih generacija.

Prvi zamjenik visokog predstavnika o općinskim organima vlasti

Prvi zamjenik visokog predstavnika Donald Hays upravo je održao govor na Konferenciji Vijeća Evrope o lokalnim organima

vlasti koja se održava ovdje u Sarajevu. Ovo je treći govor koji je ambasador Hays održao u zadnja tri dana na temu općinskih organa vlasti u BiH.

U svom današnjem obraćanju, ambasador Hays se osvrnuo na sposobnost općinskih organa vlasti da građane ponovo stave na vrh političke piramide. Trenutno tu najvišu poziciju obično zauzima nekolicina vođa političkih stranaka, nakon njih slijede same političke stranke, a organi vlasti dolaze tek nekoliko stepenica ispod njih. Mjesto koje obično imaju građani u ovoj postojećoj političkoj šemi je na samom dnu piramide.

U svom jutrošnjem govoru ambasador Hays je rekao: "Suočavajući se sa hroničnim nedostatkom sredstava i resursa, u općinama sve više dolaze do izražaja svakodnevni napor i poteškoće građana, te njihova nastojanja da sistem učine funkcionalnim. (...) Općinski nivo vlasti se prepušta dinamičnom vođstvu. Dok se političar mlađi od 35 godina može smatrati nedovoljno iskusnim za funkcije na entitetskom ili državnom nivou, takva osoba zaista može učiniti mnogo na općinskom nivou. Općinski načelnici mogu postići mnogo toga, a mladim, energičnim načelnicima ne nedostaje kredibilitet samo zato što su relativno mladi."

Ukoliko ste zainteresirani, ovdje imam cijeli tekst govora koji je održao ambasador Hays.